

delectatus sum, et exercitatus sum : et defecit spiritus meus.

Anticipaverunt vigiliis oculi mei : * turbatus sum, et non sum locutus.

Cogitavi dies antiquos : * et annos aeternos in mente habui.

Et meditatus sum nocte cum corde meo, * et exercitabar, et scopebam spiritum meum.

Numquid in aeternum projiciet Deus : * aut non apponet ut complacitior sit adhuc?

Aut in finem misericordiam suam abscondet, * a generatione in generationem?

Aut obliviscetur misereri Deus? * aut continet in ira sua misericordias suas?

Et dixi: Nunc coepi: * haec mutatio dexterae Excelsi.

Memor fui operum Domini : * quia memor ero ab initio mirabilium tuorum,

Et meditabor in omnibus operibus tuis : * et in adinventiōibus tuis exercēbor.

Deus in sancto via tua : quis Deus magnus sicut Deus noster? * tu es Deus qui facis mirabilia.

Notam fecisti in populis virtutem tuam : * redemi-

sti in brachio tuo populum tuum, filios Jacob, et Joseph.

Viderunt te aquae Deus, viderunt te aquae : * et timuerunt, et turbatae sunt abyssi.

Multitudo sonitus aquarum : * vocem dederunt nubes.

Etenim sagittae tuae transeunt : * vox tonitru tui in rota.

Illuxerunt coruscationes tuae orbi terrae : * commota est, et contremuit terra.

In mari via tua, et semitae tuae in aquis multis : * et vestigia tua non cognoscuntur.

Deduxisti sicut oves populum tuum, * in manu Moysi et Aaron.

Ana. In die tribulationis meae Deum exquisivi manibus meis.

V. Exsurge Dñe. **R.** Et iudica causam meam.

Pater noster. **secreto.**

De Epistola prima beati Pauli Apostoli ad Corinthios.

Lectio vij. Cap. xj. d



OC autem precipio : non laudans quod non in melius, sed in deterius convenitis. Primum quidem

convenientibus vobis in

Ecclēsiā, audio scissuras esse inter vos, et ex parte credo. Nam oportet et haereses esse, ut et qui probati sunt, manifesti fiant in vobis. Convenientibus ergo vobis in unum, jam non est Dominicam cenam manducare. Unusquisque enim suam cenam praesumit ad manducandum. Et alius quidem esurit, alius autem ebrius est. Numquid domos non habetis ad manducandum et bibendum? aut Ecclēsiā Dei contemnit, et confunditis eos, qui non habent? Quid dicam vobis? Laudo vos? in hoc non laudo.

R. Eram quasi agnus innocens : ductus sum ad immolandum, et nesciebam : consilium fecerunt inimici mei adversum me, dicentes : * Venite, mittamus lignum in panem ejus, et eradamus eum de terra viventium. **V.** Omnes inimici mei adversum me cogitabant mala mihi : verbum iniquum mandaverunt adversum me, dicentes. — Venite.

Lectio viij.

EGO enim accēpi a Domino quod et tradidi vobis, quoniam Dominus

Jesus in qua nocte tradebatur, accepit panem, et gratias agens fregit, et dixit : Accipite, et manducate : hoc est corpus meum, quod pro vobis tradetur : hoc facite in meam commemoratiōnem. Similiter et calicem, postquam cenavit, dicens : Hic calix novum testamentum est in meo sanguine : hoc facite quotiescumque bibetis, in meam commemoratiōnem. Quotiescumque enim manducabitis panem hunc, et calicem bibetis : mortem Domini annuntiabitis donec veniat.

R. Una hora non potuistis vigilare mecum, qui exhortabamini mori pro me? * Vel Judam non videtis, quomodo non dormit, sed festinat tradere me Judaeis? **V.** Quid dormitis? surgite, et orate, ne intratis in tentationem. — Vel Judam.

Lectio ij.

ITaque quicumque manducaverit panem hunc, vel biberit calicem Domini indigne : reus erit corporis et sanguinis Domini. Probet autem se ipsum homo : et sic de pane illo edat, et de cá-

lice bibat. Qui enim manducat et bibit indigne, iudicium sibi manducat et bibit : non diiudicans corpus Dómini. Ideo inter vos multi infirmi et imbecilles, et dormiunt multi. Quod si nosmetipsos diiudicáremus, non útique iudicáremur. Dum iudicámur autem, a Dómino corripimur, ut non cum hoc mundo damnémur. Itaque, fratres mei, cum convenitis ad manducandum, invicem exspectáte. Si quis ésurit, domi manducet : ut non in iudicium conveniátis. Cétera autem, cum vénero, dispónam.

R. Seniores pópuli consílium fecerunt, * Ut Jesum dolo tenérent, et occiderent : cum gládiis et fústibus exiérunt tamquam ad latrónem. **V.** Collegérunt Pontífices et Pharisæi consílium. — Ut. Seniores.

AD LAUDES.

Aña. Justificéris Dómine in sermónibus tuis, et vincas cum iudicáris.

Psalmus I.

Miserere mei Deus, * secundum magnam misericórdiam tuam.

Et secundum multitudinem miserationum tuarum, * dele iniquitatem meam.

Amplius lava me ab iniquitate mea : * et a peccato meo munda me.

Quóniam iniquitatem meam ego cognóscó : * et peccátum meum contra me est semper.

Tibi soli peccávi, et malum coram te feci : * ut justificéris in sermónibus tuis, et vincas cum iudicáris.

Ecce enim in iniquitatibus concéptus sum : * et in peccátis concépit me mater mea.

Ecce enim veritatem dilexisti : * incérta et occulta sapiéntiæ tuæ manifestásti mihi.

Aspérge me hyssópo, et mundabor : * lavábis me, et super nivem dealbabor.

Audítui meo dabis gáudium et lætítiam : * et exsultábunt ossa humiliáta.

Avérte faciém tuam a peccátis meis : * et omnes iniquitátes meas dele.

Cor mundum crea in me Deus : * et spíritum re-
ctum innova in viscéribus meis.

Ne projicias me a facie tua : * et spíritum sanctum tuum ne áuferas a me.

Redde mihi lætítiam salutaris tui : * et spíritu principáli confirma me.

Docébo iníquos vias tuas : * et impii ad te converténtur.

Libera me de sanguinibus Deus, Deus salutis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluisses sacrificium, dedissem útique : * holocáustis non delectáberis.

Sacrificium Deo spíritus contribulátus : * cor contrítum, et humiliátum Deus non despicias.

Benigne fac Dómine in bona voluntáte tua Sion : * ut ædificentur muri Jerúsalem.

Tunc acceptábis sacrificium justítiæ, oblatiónes, et holocáusta : * tunc impónent super altáre tuum vitulos.

Aña. Justificéris Dómine in sermónibus tuis, et vincas cum iudicáris.

Aña. Dóminus tamquam ovis ad víctimam ductus est, et non apéruit os suum.

Psalmus lxxvij.

Domine, refúgium factus es nobis : * a generatióne in generatióne.

Priúsqvam montes fierent, aut formarétur terra, et orbis : * a sæculo et usque in sæculum tu es Deus.

Ne avértas hóminem in humilitátem : * et dixisti : Convertímini filii hóminum.

Quóniam mille anni ante óculos tuos, * tamquam dies hestérna, quæ præteríit,

Et custódia in nocte, * quæ pro nihilo habéntur, eórum anni erunt.

Mane sicut herba tráns-
eat, mane flóreat, et tráns-
eat : * véspere decídat, indúret, et aréscat.

Quia defécimus in ira tua, * et in furóre tuo turbáti sumus.

Posuísti iniquitátes nostras in conspéctu tuo : * sæculum nostrum in illuminatióne vultus tui.

Quóniam omnes dies nostri defecérunt : * et in ira tua defécimus.

Anni nostri sicut aránea meditabúntur : * dies annórum nostrórum in ipsis, septuaginta anni.

Si autem in potentatibus octoginta anni : * et amplius eorum, labor et dolor.

Quoniam supervenit mansuetudo : * et corripiemur.

Quis novit potestatem irae tuae : * et praeter timore tuo iram tuam dinumerare?

Dexteram tuam sic notam fac : * et eruditos corde in sapientia.

Convertere Domine usquequo? * et deprecabilis esto super servos tuos.

Repleti sumus mane misericordia tua : * et exsultavimus, et delectati sumus omnibus diebus nostris.

Lætati sumus pro diebus, quibus nos humiliasti : * annis, quibus vidimus mala.

Réspice in servos tuos, et in ópera tua : * et dirige filios eorum.

Et sit splendor Domini Dei nostri super nos, et ópera manuum nostrarum dirige super nos : * et opus manuum nostrarum dirige.

Añã. Dominus tamquam ovis ad victimam ductus est, et non aperuit os suum.

Añã. Contritum est cor meum in medio mei, con-

tremuerunt omnia ossa mea.

Psalmus lxxij.

Deus Deus meus * ad te de luce vigilo.

Sitívit in te ánima mea, * quam multipliciter tibi caro mea.

In terra desérta, et in via, et in aquosa : * sic in sancto apparui tibi, ut vidérem virtutem tuam, et glóriam tuam.

Quoniam melior est misericordia tua super vitas : * labia mea laudabunt te.

Sic benedicam te in vita mea : * et in nómine tuo levabo manus meas.

Sicut adipe et pinguedine repleatur ánima mea : * et labiis exsultationis laudabit os meum.

Si memor fui tui super stratum meum, in matutinis meditabor in te : * quia fuisti adjutor meus.

Et in velamento alarum tuarum exsultabo, adhæsit ánima mea post te : * me suscepit dextera tua.

Ipsi vero in vanum quasiéerunt animam meam, introibunt in inferiora terræ : * tradentur in manus gladii, partes vulpium erunt.

Rex vero lætabitur in Deo, laudabuntur omnes

qui jurant in eo : * quia obstructum est os loquentium iniqua.

Psalmus lxxij.

Deus misereatur nostri, et benedicat nobis : * illúminet vultum suum super nos, et misereatur nostri.

Ut cognoscamus in terram tuam : * in omnibus Géntibus salutare tuum.

Confiteantur tibi populi Deus : * confiteantur tibi populi omnes.

Lætentur et exsultent Gentes : * quoniam iudicas populos in æquitate, et Gentes in terra dirigis.

Confiteantur tibi populi Deus : * confiteantur tibi populi omnes : * terra dedit fructum suum.

Benedicat nos Deus, Deus noster, benedicat nos Deus : * et metuant eum omnes fines terræ.

Añã. Contritum est cor meum in medio mei, contremuerunt omnia ossa mea.

Añã. Exhortatus es in virtute tua, et in refectioe sancta tua Domine.

Canticum Moyses.

Exodi xv.

Cantemus Domino : gloriose enim magnificatus est, * equum et

ascensorem dejecit in mare.

Fortitudo mea, et laus mea Dominus, * et factus est mihi in salutem :

Iste Deus meus, et glorificabo eum : * Deus patris mei, et exaltabo eum.

Dominus quasi vir pugnator, omnipotens nomen ejus. * Currus Pharaonis et exercitum ejus projecit in mare :

Elécti principes ejus submersi sunt in Mari rubro. * Abyssi operuerunt eos, descendunt in profundum quasi lapis.

Dextera tua Domine magnificata est in fortitudine : dextera tua Domine percussit inimicum. * Et in multitudine glóriæ tuæ deposuisti adversarios tuos :

Misisti iram tuam, quæ devoravit eos sicut stipulam. * Et in spiritu furoris tui congregatæ sunt aquæ :

Stetit unda fluens, * congregatæ sunt abyssi in medio mari.

Dixit inimicus : Persequar et comprehendam, * dividam spolia, implébitur ánima mea :

Evaginabo gladium meum, * interficiet eos manus mea.

Flavit spíritus tuus, et opéruit eos mare : * submersi sunt quasi plumbum in aquis veheméntibus.

Quis símilis tui in fórtibus Dómine? * quis símilis tui, magníficus in sanctitáte, terríbilis atque laudábilis, fáciens mirabilia?

Extendísti manum tuam, et devorávit eos terra. * Dux fuísti in misericórdia tua pópulo quem redemísti :

Et portásti eum in fortitúdine tua, * ad habitáculum sanctum tuum.

Ascendérunt pópuli, et irátí sunt : * dolóres obtinuerunt habitatóres Philístíim.

Tunc conturbáti sunt príncipes Edom, robústos Moab obtínuit tremor : * obriguérunt omnes habitatóres Chánaan.

Irruat super eos formído et pavor, * in magnitúdine bráchii tui :

Fiant inmóviles quasi lapis, donec pertránseat pópulus tuus Dómine, * donec pertránseat pópulus tuus iste, quem possedísti.

Introdúces eos, et plantábis in monte hereditátis

tuæ, * firmíssimo habitácululo tuo quod operátus es Dómine :

Sanctuárium tuum Dómine, quod firmavérunt manus tuæ. * Dóminus regnábit in ætérnum et ultra.

Ingréssus est enim eques Phárao cum cúrribus et equítibus ejus in mare : * et redúxit super eos Dóminus aquas maris :

Fílii autem Israel ambulavérunt per siccum * in médio ejus.

Añá. Exhortátus es in virtúte tua, et in refectióne sancta tua Dómine.

Añá. Oblátus est quia ipse vóluit, et peccáta nostra ipse portávit.

Psalmus cxxvii.

Laudáte Dóminum de cœlis : * laudáte eum in excélsis.

Laudáte eum omnes Angeli ejus : * laudáte eum omnes virtútes ejus.

Laudáte eum sol et luna : * laudáte eum omnes stellæ, et lumen.

Laudáte eum cœli cœlorum : * et aquæ omnes, quæ super cœlos sunt, laudent nomen Dómini.

Quia ipse dixit, et facta sunt : * ipse mandávit, et creáta sunt.

Státuit ea in ætérnum, et in sæculum sæculi : * præcéptum pósuit, et non præteríbit.

Laudáte Dóminum de terra, * dracónes, et omnes abyssi.

Ignis, grando, nix, glacies, spíritus procellárum : * quæ faciunt verbum ejus :

Montes, et omnes colles : * ligna fructífera, et omnes cedri.

Béstiae, et univérsa pécora : * serpétes, et volúcrés pennatæ :

Reges terræ, et omnes pópuli : * príncipes, et omnes júdices terræ.

Júvenes, et vírgines : senes cum junióribus laudent nomen Dómini : * quia exaltátum est nomen ejus solius.

Conféssio ejus super cœlum et terram : * et exaltávit cornu pópuli sui.

Hymnus ómnibus sanctis ejus : * fíliis Israel, pópulo appropinquánti sibi.

Psalmus cxxix.

Cantáte Dómino cánticum novum : * laus ejus in ecclésia sanctórum.

Lætétur Israel in eo, qui fecit eum : et fílii Sion exsúltent in rege suo.

Laudent nomen ejus in choro : * in tympano, et psaltério psallant ei :

Quia beneplácitum est Dómino in pópulo suo : * et exaltábit mansuétos in salutem.

Exsultábunt sancti in glória : * lætabúntur in cubilibus suis.

Exaltatiónes Dei in gúture eórum : * et gládii ancípites in mánibus eórum :

Ad faciendam vindíctam in natióibus : * increpationes in pópulis.

Ad alligándos reges eórum in compédibus : * et nóbiles eórum in mánicis férreis.

Ut fáciant in eis júdicium conscriptum : * glória hæc est ómnibus sanctis ejus.

Psalmus cxi.

Laudáte Dóminum in sanctis ejus : * laudáte eum in firmaménto virtútis ejus.

Laudáte eum in virtúibus ejus : * laudáte eum secúndum multitudinem magnitúdinis ejus.

Laudáte eum in sono tubæ : * laudáte eum in psaltério, et cithara.

Laudáte eum in tympano, et choro : * laudáte

eum in chordis, et órgano

Laudáte eum in cymbalis benesonántibus : laudáte eum in cymbalis jubilationis : * omnis spíritus laudet Dóminum.

Aña. Oblátus est quia ipse vóluit, et peccáta nostra ipse portávit.

Capitulum et Hymnus non dicuntur.

¶ Homo pacis meæ, in quo sperávi. **R.** Qui edébat panes meos, ampliávit advérsus me supplantatióem.

Ad Benedictus, Aña. Tráditor autem dedit eis signum, dicens : Quem osculátus fúero, ipse est, tenéte eum.

Interim dum dicitur Cantic. Benedictus, extinctis prius omnibus candelis in candelabro triangulari, præter unam, quæ posita est in summitate candelabri, exstinguuntur paulatim sex candelæ positæ a principio supra Altare, ita ut in ultimo versu exstinguatur ultima candela: similiter exstinguuntur lampades et luminaria per Ecclesiam. Cum repetitur **Aña.** Tráditor. accipitur suprema candela ex candelabro, et absconditur sub Altari in cornu

Epist. Repetita Aña post Benedictus. dicitur

¶ Christus factus est pro nobis obédiens usque ad mortem. **Secunda nocte additur.** Mortem autem crucis. **Tertia nocte additur.** Propter quod et Deus exaltávit illum, et dedit illi nomen, quod est super omne nomen. **Et sic dicitur etiam per omnes Horas diei.**

Cum incipitur. ¶ Christus factus est. omnes genuflectunt, et eo finito dicitur Pater noster. totum sub silentio : postea aliquantulum altius,

Psalmus I.

Miserere mei Deus, * secundum magnam misericórdiam tuam.

Et secundum multitudinem miseratiónum tuarum, * dele iniquitatem meam.

Amplius lava me ab iniquitate mea : * et a peccáto meo munda me.

Quóniam iniquitatem meam ego cognóscó : * et peccátum meum contra me est semper.

Tibi soli peccávi, et malum coram te feci : * ut justificéris in sermónibus tuis, et vincas cum iudicáris.

Ecce enim in iniquitatibus concéptus sum : * et in peccátis concépit me mater mea.

Ecce enim veritatem dilexisti : * incérta et occulta sapiéntiæ tuæ manifestásti mihi.

Aspérges me hyssópo, et mundabor : * lavábis me, et super nivem dealbabor.

Audítui meo dabis gáudium et lætítiam : * et exsultábunt ossa humiliáta.

Avérte faciém tuam a peccátis meis : * et omnes iniquitátes meas dele.

Cor mundum crea in me Deus : * et spíritum rectum innova in viscéribus meis.

Ne projicias me a faciē tua : * et spíritum sanctum tuum ne áuferas a me.

Redde mihi lætítiam salutáris tui : * et spíritu principáli confírma me.

Docébo iníquos vias tuas : * et impii ad te converténtur.

Líbera me de sanguinibus Deus, Deus salutis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluísset sa-

crificium, dedíssem úti- que : * holocáustis non delectáberis.

Sacrificium Deo spíritus contribulátus : * cor contrítum, et humiliátum Deus non despícies.

Benigne fac Dómine in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítiae, oblatiões, et holocáusta : * tunc impónent super altáre tuum vítulos.

Quo finito sine Orémus, dicitur simili voce

Oratio.

Respice, quæsumus Dómine, super hanc familiam tuam, pro qua Dóminus noster Jesus Christus non dubitávit mánibus tradi nocéntium, et crucis subíre torméntum. **sed Qui tecum. dicitur sub silentio.**

Finis Oratione, fit fragor et strepitus aliquantulum : mox profertur candela accensa de sub Altari, et omnes surgunt, et cum silentio discedunt.

AD HORAS.

Prima, Tertia, Sexta et Nona, dictis secreto Pater noster. Ave María. et ad Primam Credo. absolute

inchoantur a Psalmis consuetis, qui ad Primam sunt, ut in Festis: quibus finitis dicitur *W*. Christus factus est pro nobis. etc. flexis genibus, et dicitur secreto Pater noster. Ps. Miserere. et Oratio. Respice, quæsumus Domine. sicut in Laudibus. 320.

In hoc triduo non annuntiatur aliquid de Martyrologio, nec dicitur Pretiosa.

AD VESPERAS.

Vesperæ dicto secreto Pater noster. Ave María. inchoantur absolute a prima Antiphona sine cantu.

Añã. Cálicem salutáris accípiam, et nomen Dómini invocábo.

Psalmus cxi.

CRéddidi, propter quod locútus sum: * ego autem humiliátus sum nimis.

Ego dixi in excéssu meo: * Omnis homo mendax.

Quid retríbuiam Dómino, * pro ómnibus, quæ retríbuit mihi?

Cálicem salutáris accípiam: * et nomen Dómini invocábo.

Vota mea Dómino reddam coram omni pópulo ejus: * pretiósã in con-

spéctu Dómini mors sanctorum ejus:

O Dómine quia ego servus tuus: * ego servus tuus, et fílius ancíllæ tuæ.

Dirupísti víncula mea: * tibi sacrificábo hóstiã laudis, et nomen Dómini invocábo.

Vota mea Dómino reddam in conspéctu omnis pópuli ejus: * in átriis domus Dómini, in médio tui Jerúsalem.

Añã. Cálicem salutáris accípiam, et nomen Dómini invocábo.

Añã. Cum his qui odérunt pacem, eram pacíficus: dum loquébar illis, impugnábant me gratis.

Psalmus cxix.

AD Dóminum cum tribulárer clamávi: * et exaudivit me.

Dómine líbera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagíttæ poténtis acútæ, * cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: * multum íncola fuit ánima mea.

Cum his, qui odérunt pacem, eram pacíficus: * cum loquébar illis, impugnábant me gratis.

Añã. Cum his qui odérunt pacem, eram pacíficus: dum loquébar illis, impugnábant me gratis.

Añã. Ab homínibus iníquis líbera me Dómine.

Psalmus cxxix.

ERipe me Dómine ab hómine malo: * a viro iníquo éripe me.

Qui cogitavérunt iniquitátes in corde: * tota die constituébant prælia.

Acuérunt linguas suas sicut serpéntis: * venenum áspidum sub lábiis eórum.

Custódi me Dómine de manu peccatóris: * et ab homínibus iníquis éripe me.

Qui cogitavérunt supplantáre gressus meos: * abscondérunt supérbi láqueum mihi:

Et funes extendérunt in láqueum: * juxta iter scándalum posuérunt mihi.

Dixi Dómino: Deus meus es tu: * exáudi Dómine vocem deprecationis meæ.

Dómine, Dómine virtus salutis meæ: * obumbrá-

sti super caput meum in die belli:

Ne tradas me Dómine a desidério meo peccatóri: * cogitavérunt contra me, ne derelínquas me, ne forte exalténtur.

Caput circúitus eórum: * labor labiórurn ipsórum opériet eos.

Cadent super eos carbónes, in ignem dejicies eos: * in misériis non subsistent.

Vir linguósus non dirigétur in terra: * virum inústum mala cápient in intéritu.

Cognóvi quia fáciat Dóminus júdicium ínopis: * et vindíctam páuperum.

Verúmtamen justí confitebúntur nómini tuo: * et habitábunt recti cum vultu tuo.

Añã. Ab homínibus iníquis líbera me Dómine.

Añã. Custódi me a láqueo, quem statuérunt mihi, et a scándalis operántium iniquitátem.

Psalmus cxi.

Domine clamávi ad te, exáudi me: * inténde voci meæ, cum clamávero ad te.

Dirigátur orátio mea sicut incénsus in conspéctu tuo: * elevátio mánuum

mearum sacrificium versperturnum.

Pone Dómine custódiam ori meo : * et óstium circumstantiæ lábiis meis.

Non declínes cor meum in verba malitiæ, * ad excusandas excusatiónes in peccátis.

Cum homínibus operántibus iniquitatem : * et non comunicábo cum eléctis eórum.

Corripiet me justus in misericórdia, et increpábit me : * óleum autem peccatóris non impínguet caput meum.

Quóniam adhuc et orátio mea in beneplácitis eórum : * absórpti sunt juncti petræ júdices eórum.

Audient verba mea quóniam potuerunt : * sicut crassitúdo terræ erúpta est super terram.

Dissipáta sunt ossa nostra secus inférnum : * quia ad te Dómine, Dómine óculi mei : in te sperávi, non áuferas ánimam meam.

Custódi me a láqueo, quem statuérunt mihi : * et a scándalis operántium iniquitatem.

Cadent in retiáculo ejus peccatóres : * singulári-

ter sum ego donec tráns-eam.

Aña. Custódi me a láqueo, quem statuérunt mihi, et a scándalis operántium iniquitatem.

Aña. Considerábam ad dexteram, et vidébam, et non erat qui cognósceret me.

Psalmus cxi.

Voce mea ad Dóminum clamávi : * voce mea ad Dóminum deprecátus sum :

Effúndo in conspéctu ejus oratióem meam, * et tribulatióem meam ante ipsum pronúntio.

In deficiéndo ex me spíritum meum, * et tu cognovísti sémitas meas.

In via hac, qua ambulábam, * absconderunt láqueum mihi.

Considerábam ad dexteram, et vidébam : * et non erat qui cognósceret me.

Périit fuga a me, * et non est qui requírat ánimam meam.

Clamávi ad te Dómine, * dixi : Tu es spes mea, pórtio mea in terra vivéntium.

Inténde ad deprecatióem meam : * quia humiliátus sum nimis.

Líbera me a persequén-

tibus me : * quia confortáti sunt super me.

Educ de custódia ánimam meam ad confiténdum nómini tuo : * me exspéctant justí, donec retribuas mihi.

Aña. Considerábam ad dexteram, et vidébam, et non erat qui cognósceret me.

Capitulum, Hymnus et V. non dicuntur in hoc triduo.

Ad Magnif. Aña. Cœnántibus autem illis, accépit Jesus panem, et benedíxit, ac fregit, deditque discí-pulis suis.

Canticum B. Mariæ V. Luc. j. e

Magnificat * ánima mea Dóminum : Et exsultávit spíritus meus * in Deo salutári meo.

Quia respéxit humilitátem ancillæ suæ : * ecce enim ex hoc beátam me dicent omnes generatiónes.

Quia fecit mihi magna qui potens est : * et sanctum nomen ejus.

Et misericórdia ejus a progénie in progénies * timéntibus eum.

Fecit poténtiam in brá-

chio suo : * dispérsit superbos mente cordis sui.

Depósuit potétes de sede, * et exaltávit húmiles. Esuriétes implévit bonis : * et dívites dimísit inánes.

Suscépit Israel púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sæcula.

Aña. Cœnántibus autem illis, accépit Jesus panem, et benedíxit, ac fregit, deditque discí-pulis suis.

V. Christus factus est pro nobis. cum reliquis ut supra in Laudibus. 320.

Ad Completorium non dicitur Jube domne. nec Lectio brevis nec Adju-tórium. neque Oratio Dominica : sed facta Confessione et Absolutione incipitur a Ps. Cum invocárem. 176. Dictis Psalmis, dicitur Nunc dimittis. 178.

Deinde V. Christus factus est. cum reliquis ut supra. 320.

Sic terminantur omnes Horæ in hoc triduo usque ad Vesperas Sabbati sancti.

